



Þingskjal 1

Lagt fram af stjórn HSP

Þakkar- og hvatningartillögur

Ársþing HSP haldið í Þórsveri, 14. mars 2020, þakkar Langanesbyggð, Norðurþingi, Skútustaðahrepp, Þingeyjarsveit, Sparisjóði Suður-Þingeyinga, Jarðböðunum, Ísfélaginu, Landsbankanum, Geir útgerð, Verkalýðsfélagi Þórshafnar og Bílaleigu Akureyrar fyrir veittan stuðning og samstarf á árinu 2019.

Ársþing HSP haldið í Þórsveri, 14. mars 2020, hvetur félaga til þess að fjölmenna á Landsmót UMFÍ 50+, Íþróttaveislu UMFÍ og Unglingalandsmót UMFÍ.

Landsmót UMFÍ 50+ verður haldið dagana 19. - 21. júní í Borgarnesi með fjölbreyttri dagskrá fyrir eldri ungmennafélaga. Íþróttaveisla UMFÍ fer fram í Kópavogi dagana 26. - 28. júní. Um er að ræða lýðheilsuhátíð fjölskyldunnar þar sem geta fundið eitthvað við sitt hæfi. Unglingalandsmót UMFÍ fer fram á Selfossi 30. júlí - 2. ágúst 2020.

Öllum ætti að vera ljós kostur þess og ávinningur af því að hreyfa sig reglulega og taka þátt í skipulögðu starfi og skemmta sér með fjölskyldu og vinum.

Vísað til: Allsherjar- og íþróttanefndar

Þingskjal 2

Lagt fram af stjórn HSP

Verkefna- og styrktarsjóður HSP

Ársþing HSP haldið í Þórsveri, 14. mars 2020, samþykkir að leggja niður Afreksmannasjóð HSP, Aksturssjóð HSP og Fræðslusjóð HSP í núverandi mynd og stofna nýjan verkefna- og styrktarsjóð HSP. Þeir fjármunir sem nú eru í þessum þremur sjóðum renna í nýjan verkefna- og styrktarsjóð. Reglugerð nýs sjóðs verður svohljóðandi:

1. Sjóðurinn heitir Verkefna- og styrktarsjóður HSP og er stofnaður á ársþingi HSP 2020 með stofnframlagi núverandi innistæða Afreksmanna-, Aksturs- og Fræðslusjóðs HSP.
2. Tilgangur sjóðsins er að styðja við og efla íþrótta- og félagsstarf á sambandsvæði Héraðssambands Þingeyinga.
3. Stjórn sjóðsins er skipuð formanni, gjaldkera og ritara HSP. Hlutverk hennar er að gera tillögu að úthlutun fjár úr sjóðnum og fylgjast með nýtingu styrkja.
4. Tekjur sjóðsins eru:
 - a. Ákveðið hlutfall af óskiptum lottótekjum samkvæmt reglugerð um skiptingu á lottótekjum sambandsins.
 - b. Frjáls framlög og söfnunarfé.
5. Úthlutað er úr sjóðnum tvisvar sinnum á ári, í júní og desember, og skulu umsóknir hafa borist fyrir 1. júní fyrir fyrri úthlutun og 1. desember fyrir seinni úthlutun. Heimilt er að veita út sjóðnum við fyrri úthlutun 50% af því fé sem í honum er ásamt 50% af tekjuafgangi síðasta árs og við síðari úthlutun því fjármagni sem eftir er auk tekjuafgangs fyrra árs. Styrkuppþæðir fara eftir fjármagnsgetu sjóðsins.



6. Markmið sjóðsins er m.a. að styrkja eftirfarandi:
 - a. Íþróttafólk sem hefur hæfileika og getu til þess að ná langt í sinni íþróttagrein.
 - b. Félagsmenn [þjálfara, starfsfólk og stjórnarfólk] til þátttöku í námskeiðum, ráðstefnum eða fundum sem er íþróttalífi og félagsstarfi í héraði til bóta.
 - c. Námskeiðshald innan héraðs fyrir þjálfara, dómara eða sjálfboðaliða. Skilyrði er að opið sé fyrir þátttöku frá öllum aðildarfélögum HSP.
 - d. Ferðakostnað vegna æfinga- og keppnisferða innanlands og erlendis.
 - e. Nýjungar og sérstök verkefni.Stjórn sjóðsins skal setja sér vinnureglur vegna úthlutunar styrkja og ákveður styrkuppþæðir hverju sinni, þ.m.t. hámarksuppþæðir til einstaklinga/hópa og fjölda styrkja til sama einstaklings/hóps/verkefnis innan sama árs.
7. Umsóknir í sjóðinn skulu berast fyrir 1. júní fyrir fyrri úthlutun og 1. desember fyrir seinni úthlutun. Eingöngu aðildarfélög HSP, deildir aðildarfélaganna, sérráð sambandsins og starfsnefndir HSP geta sótt um styrk úr sjóðnum. Sjóðurinn styrkir eingöngu þá sem iðka íþrótt sína og/eða keppa undir merkjum HSP og aðildarfélaganna þess.
8. Umsóknum skal skilað rafrænt til framkvæmdastjóra eða formanns HSP á þar til gerðu eyðublaði þar sem fram kemur: Nafn félags, kennitala og reikningsupplýsingar. Heiti umsækjanda/ábyrgðarmanns, símanúmer og netfang. Heiti verkefnis, lýsing á verkefni sem sótt er um með tímaáætlun og fyrirhuguð ráðstöfun styrksins. Sundurliðuð kostnaðaráætlun (tekjur og gjöld), upphæð sem sótt er um. Forsenda úthlutunar er staðfesting á verkefninu s.s. afrit af reikningum og kvittanir. Sjóðsstjórn áskilur sér rétt til þess að afla sér nánari upplýsinga en þeirra sem fram koma á umsóknareyðublaði og leita umsagnar annarra aðila.
9. Stjórn sjóðsins er heimilt að veita styrki úr sjóðnum án umsókna, enda séu þeir veittir í samræmi við markmið og vinnureglur sjóðsins.
10. Sjóðsstjórn skal á hverju ársþingi HSP gera grein fyrir styrkveitingum úr sjóðnum.
11. Reglugerð þessi tekur gildi þegar ársþing HSP hefur samþykkt hana.

Samþykkt á ársþingi HSP í Þórsveri þann 14. mars 2020

Greinargerð:

HSP hefur verið með þrjá sjóði sem aðildarfélög og einstaklingar hafa getað sótt í. Þessir sjóðir hafa ekki verið fullnýttir undanfarið, þó umsóknir í fræðslusjóð hafi farið vaxandi og vel hafi verið sótt í afrekssjóð á sl. ári. Aksturssjóður hefur ekki verið vel nýttur eftir endurlífgun fyrir nokkrum árum. Nýjum sjóði er ætlað að taka yfir hlutverk fyrrnefndra sjóða, í stað þess að deila fjármagni í þrjá sjóði þar sem það mögulega nýtist ekki þykir betur við hæfi að hafa einn sterkan sjóð sem getur styrkt margvísleg málefni. Með því að færa fjármuni eldri sjóðanna í nýja sjóðinn mun sá sjóður hafa fjármagn til þess að taka strax til starfa á árinu. Á síðastliðnu ári námu umsóknir í sjóðinn tæpum 1.300.000 kr. en úthlutað var kr. 785.328. Miðað við tillögu stjórnar (Þingskjal 7, breyting á lottóreglugerð) er ráðgert að um 1.500.000 kr. renni í og verði veitt úr sjóðnum árlega.

Vísað til: Laganefndar



Þingskjal 3

Lagt fram af stjórn HSP

Æfum alla ævi

Ársþing HSP haldið í Þórsveri, 14. mars 2020, lýsir yfir ánægju með skýrslu stjórnar um stöðu aðildarfélaga HSP og þróun síðastliðinna ára. Stjórnnum aðildarfélaga HSP er falið að fjalla um skýrsluna efnislega innan sinna raða, finna hvert þau vilja stefna og hvernig þau geti nýtt sér hugmyndafræði *Æfum alla ævi* til þess að efla starfið í félögum og á sambandsvæðinu. Jafnframt er stjórn HSP hvött til þess að leita fjáröflunarleiða og samstarfs meðal sveitarfélaga, stofnana og annarra samtaka á sambandsvæðinu um stuðning verkefnisins *Æfum alla ævi*.

Vísad til: Allsherjar- og íþróttanefndar

Þingskjal 4

Lagt fram af stjórn HSP

Lagabreytingar

Ársþing HSP haldið í Þórsveri, 14. mars 2020, samþykkir eftirfarandi breytingar og uppfærslu á lögum HSP.

Greinargerð:

Gildandi lög HSP uppfylla ekki mörg af þeim skilyrðum sem sett eru í lögum ÍSÍ og eru skilyrði fyrir aðild að íþróttahreyfingunni í landinu. Meginbreytingar sem lagðar eru til hér eru vegna þess. Að auki er efnisröðun breytt nokkuð og orðalag lagað. Með nýrri röðun í kafla er leitast við að færa skyld efnisatriði saman og greina betur að einstök atriði og skýra. Nánari greinargerð um breytingar fylgir hverri grein laganna.

Breytingarnar eru í meginráttum þessar:

1. Tekin inn ákvæði úr lögum og skv. lögum ÍSÍ.
2. Tilfærslur á efni úr gildandi lögum á milli greina.
3. Orðalagsbreytingar.
4. Kaflaheiti eru sett inn.
5. Ákvæði um sérráð eru sett inn í lögin úr lögum ÍSÍ sem ekki er að finna í gildandi lögum.

Nýr texti er [skáletraður og undirstrikaður](#), texti sem hefur verið færður milli greina er [skáletraður](#), texti sem er fjarlægður er [yfirstrikaður](#). Lög HSP hljóði svo eftir breytingar:

Lög Héraðssambands Pingeyinga

[I. Kafli. Um sambandið](#)

1. grein

Sambandið heitir Héraðssamband Pingeyinga, skammstafað HSP. [Lögheimili þess og varnarþing er þar sem skrifstofa sambandsins er staðsett hverju sinni.](#) Sambandsvæðið nær yfir sveitarfélögin frá Langanesbyggð í austri til Grýtubakkahrepps í vestri.



Greinargerð: Bætt er inn í mgr. um lögheimili og varnarþing. Einnig er 1. mgr. úr núv. 3.gr. bætt við án breytinga.

2. grein

Tilgangur sambandsins er að efla samhug og samvinnu æskulýðsins í Þingeyjarsýslum, og stuðla að fjölbreyttu íþrótt- og félagsmálastarfi aðildarfélaganna og vera málsvari félaganna út á við. HSP skal starfa samkvæmt lögum ÍSÍ og UMFÍ.

Hlutverk HSP er:

- a) Að stjórna sameiginlegum íþróttamálum héraðsins og vera þar fulltrúi ÍSÍ, en sérráð, er stofnuð eru, fara með stjórn sérgreinamála innan héraðsins.
- b) Að annast samstarf um íþróttamál við sveitar- og bæjarstjórnir og aðra opinbera aðila innan héraðs.
- c) Að varðveita og skipta milli félaganna því fé, sem til þess hefur verið veitt í því skyni.
- d) Að aðstoða við skipulag, undirbúning og framkvæmd íþróttamóta í héraði.
- e) Að hafa frumkvæði um eflingu íþróttastarfs innan héraðs.
- f) Að staðfesta lög/lagabreytingar aðildarféлага og halda utan um staðfest lög féлага og skili yfirliti til ÍSÍ yfir lög aðildarféлага í lok hvers árs.
- g) Að tilkynna ÍSÍ og viðkomandi sérsambandi um stofnun nýrra féлага og deilda.
- h) Að fylgjast með því að starfsemi aðildarféлага fari fram skv. gildandi lögum þeirra og íþróttahreyfingarinnar í heild. Í því skyni skal HSP hafa fullan aðgang að bókhaldi og fylgiskjöllum aðildarféлага/sérráða sinna og ef ástæða þykir til getur stjórn HSP tilnefnt sérstakan skoðunarmann reikninga fyrir félagið og fyrirskipað ítarlega rannsókn á fjárreiðum viðkomandi aðildarfélags/sérráðs. Aðildarfélag/sérráð getur krafist þess að bókhaldsgögn fari eingöngu um hendur lögqilts endurskoðanda.

Greinargerð: Mgr. 1 og 2 eru óbreyttar úr núv. 2.gr.

Mgr. 3 um hlutverk HSP er bætt við og tekið því sem næst orðrétt úr lögum ÍSÍ 44. grein liður 2.

3. grein

HSP er stjórnað af:

- a) Ársþingi HSP
- b) Sambandsstjórn

Reikningsár er almanaksárið.

Greinargerð: Mgr. 1 úr núv. 3.gr. hefur verið felldur inn í 1. grein og mgr. 2 felld inn í 15. gr. án breytinga.

Fyrri mgr. nýs texta er tekin úr lögum ÍSÍ 45. grein liður 1. Síðari mgr. um reikningsár er tekin úr núv. 9.gr. (4. mgr.).

II. Kafli. Um Ársþing

4. grein

Ársþing HSP fer með æðsta vald í málum sambandsins. Ársþing skal haldið fyrir lok aprílmánaðar ár hvert. Skal stjórnin boða til þess þríflega með minnst tveggja mánaða fyrirvara og ítreka síðar. Tillögur um lagabreytingar skal senda stjórninni að laga- og reglugerðarbreytingum skulu hafa borist stjórn HSP eigi síðar en fjórum vikum fyrir ársþing. Dagskrá, reikninga, fjárhagsáætlun, tillögur sem borist hafa ásamt tillögum sem stjórn hyggst leqja fyrir þingið og skulu þær kynntar aðildarfélagunum með síðara þingboði í síðasta lagi viku fyrir ársþing. Boðun þings og framlagning qagna fyrir og á ársþingi má vera á rafrænu formi, verði því við komið.

Greinargerð: Texti núv. 4.gr. færður undir nýja 16.gr. án breytinga



Mgr. 1, 2 og 3 í núv. 7. gr. verður að 4. gr. með breytingum. Nýrri mgr. er bætt við í upphafi auk þess sem texti var lagaður til þess að vera skýrari. Nýrri mgr. er bætt við í lokin um rafræn gögn og boðun.

5. grein

Hvert aðildarfélag hefur að lágmarki rétt til á rétt á að senda að lágmarki á ársþing 1 fulltrúa og að hámarki 9 fulltrúa á ársþing HSP. Hvert félag hefur rétt á einum fulltrúa fyrir hverja 30 skattskylda félagi. Hafi félag 15 eða fleiri þar umfram skal það hafa rétt til fulltrúa fyrir þá. Fulltrúafjöldi hvers aðildarfélags miðast við fjölda lögráða félagsmanna (18 ára og eldri) eftir félagatali í starfsskýrslum síðastliðins starfsárs til ÍSÍ/UMFÍ og samkvæmt eftirfarandi töflu:

| <u>Fjöldi félaga 18 ára og eldri</u> | <u>Fjöldi þingfulltrúa</u> |
|--------------------------------------|----------------------------|
| <u>0-75</u> | <u>1</u> |
| <u>76-150</u> | <u>2</u> |
| <u>151-300</u> | <u>3</u> |
| <u>301-600</u> | <u>4</u> |
| <u>901-1200</u> | <u>6</u> |
| <u>1201-1500</u> | <u>7</u> |
| <u>1501-1800</u> | <u>8</u> |
| <u>1801 o.fl.</u> | <u>9</u> |

Þá eiga sérráð sambandsins rétt á að senda einn fulltrúa hvert og hafa þeir fulltrúar jafnan rétt og aðrir fulltrúar þingsins. Kjörgengi og kosningarétt til ársþings HSP hafa allir lögráða félagsmenn.

Greinargerð: Texti núv. 5.gr. er færður undir nýja 17.gr. án breytinga.

Mgr. 4 og 8 núv. 7.gr. verður að 5.gr. með breytingum. Lagt er til að fækka fulltrúum þingsins og eftir atvikum félaganna og miða við gjaldskylda félagi (lögráða (18 ára), sbr. 18. gr. eftir breytingar). Þá er það gert skýrara við hvaða félagatal skuli miðað. Að lokum er bætt við mgr. um aldur á ársþing skv. ákvæðum 7.gr. laga ÍSÍ.

6. grein

Lögmætt er ársþing ef löglega er til þess boðað. Þegar mættir eru fulltrúar frá 3/5 virkra aðildarfélaga, skv. skráningu í Felix, félagakerfi ÍSÍ og UMFÍ. Fulltrúar skulu leggja fram kjörbréf frá viðkomandi félagi/ráði. Eigi má fulltrúi á ársþingi fara með nema eitt atkvæði. Allir félagar innan UMFÍ og ÍSÍ hafa málfrelsi og tillögurétt á ársþingi, en kjörnir fulltrúar einir atkvæðisrétt.

Greinargerð: Texti núv. 6.gr. færður undir nýja 18.gr. með örlitlum breytingum.

Mgr. 7, 9, 10 og 11 núv. 7.gr. verður að 6. gr. með breytingum um lögmæti ársþings.

7. grein

Ársþing tekur ákvarðanir um starfsemi sambandsins á komandi starfsári, úrskurðar reikninga sambandsins og afgreiðir fjárhagsáætlun yfirstandandi árs. Þingið kýs 5 menn Einstaklinga í stjórn sambandsins: Formaður skal kosinn árlega, en tveir meðstjórnendur annað hvert ár til tveggja ára. Einnig skal kjósa tvo varamenn til tveggja ára, einn annað hvert ár. Varamenn taka sæti í stjórn í sömu röð og þeir voru kosnir.

Einnig skal kjósa 2 skoðunarmenn árlega og varamann þeirra.

Stjórn sambandsins skiptir sjálf með sér verkum og kýs sér varaformann, ritara og gjaldkera. Hver stjórnarmaður getur, að loknu kjörtímabili, skorast undan endurkosningu til jafn langs tíma. Þá skal þingið kjósa í allar aðrar trúnaðarstöður sambandsins sem kosið er í til eins árs í senn. Kosningar skulu bundnar við uppástungur, nema ársþing ákveði annað.



Greinargerð. Texti núv. 7.gr. hefur verið felldur inn í 4.gr. (mgr. 1, 2 og 3), 5.gr. (mgr.4 og 8) og 6.gr. (mgr. 7, 9 og 10) en mgr. 5 og 6 hafa verið felldar út (sjá að ofan 5.gr.).

Núv. 8.gr. verður að 7.gr. með orðalagsbreytingum í 2.mgr., „menn“ verði „einstaklingar“ og skýrara er að meðstjórnendur eru kosnir til tveggja ára.

8. grein

Einfaldur meirihluti ræður úrslitum á þingi og verði atkvæði jöfn er málið fallið. Ef tveir eða fleiri hljóta jafn mörg atkvæði til að ná kosningu skal kjósa um þá á ný bundinni kosningu. Verði þeir enn jafnir ræður hlutkesti. Lögum verður ekki breytt nema með samþykki 2/3 greiddra atkvæða.

Greinargerð: Texti núv. 8. gr. er færður undir 7.gr. með orðalagsbreytingum.

Núv. 13.gr. verður að 8.gr. án breytinga.

9. grein

Stjórn HSP skal styðjast við eftirfarandi dagskrá á ársþingi:

1. Þingið sett
 2. Starfsmenn þingsins kosnir
 - a) Forsetar
 - b) Ritarar
 3. Kjörbréfanefnd kosin
 4. Skýrsla stjórnar og reikningar sambandsins kynntir
 5. Umræður um skýrslu stjórnar og reikninga
 - a) HSP
 - b) Afreksmannasjóður
 - c) Aksturssjóður
 - d) Fræðslusjóður
 6. Álit kjörbréfanefndar
 7. Skýrsla og reikningar borin undir atkvæði
 8. Ávörp gesta
 9. Matarhlé
 - ~~9~~10. Mál lögð fyrir þingið —umræður
 - ~~10~~11. Skipan í starfsnefndir – nefndarstörf
 - a) Allsherjarnefnd
 - b) Íþróttanefnd
 - c) Fjárhagsnefnd
 - d) Laganefnd
 12. Kaffihlé
- Íþróttamenn HSP verða launaafhending
- ~~11~~13. Afgreiðsla mála
 - ~~12~~14. Kosningar
 - a) Formaður
 - b) Aðalmenn í stjórn
 - c) Varamenn í stjórn
 - d) Skoðunarmenn
 - e) Fulltrúi á íþróttþing ÍSÍ
 - ~~13~~15. Önnur mál
 - ~~14~~16. Þingslit



Greinargerð: Texti núv. 9.gr. færður undir 11.gr (mgr. 1, 2, 3 og 5). Mgr. 4 færð undir 3.gr. án breytinga.

Núv. 14.gr. verður að 9.gr. Greinin er efnislega óbreytt nema stytta og ákvæði um kaffi- og matarhlé og umræður eru tekin út. Þó svo að tilhlýðilegt sé og almenn tillitssemi að bjóða upp á hressingu á meðan fundi stendur getur það ekki verið skylda að hafa slíkt í lögum sambandsins. Þingforseti þarf að hafa svigrúm til að geta stjórnað umræðum á fundi, enda verði farið eftir þingskópum og reglum þar að lútandi.

10. grein

Aukaþing skal halda, ef nauðsyn krefur eða helmingur sambandsaðila óskar þess, [stjórn HSP eða eftir ákvörðun ársþings](#). Allur boðunar- og tilkynningarfræstur til aukapings má vera helmingi styttri en til reglulegs þings. Fulltrúar á aukapingi eru þeir sömu [og](#) voru á næsta reglulega þingi á undan, og gilda sömu kjörbréf. Þó má kjósa að nýju í stað fulltrúa sem er látinn, veikur eða forfallaður á annan hátt. Á aukapingi má ekki gera laga- eða leikreglnabreytingar og ekki kjósa stjórn, nema bráðabirgðastjórn, ef meirihluti kjörinnar aðalstjórnar hefur sagt af sér eða hætt störfum að öðrum orsökum, eða stjórnin hefur að eigin dómi orðið óstarfhæf. Að öðru leyti gilda um það sömu reglur og um reglulegt ársþing.

Greinargerð: Nánast óbreytt að öðru leyti en því að stjórn sambandsins er nú gefinn kostur á að efna til aukapings. Einnig er það tekið fram að ársþingið geti það líka. Hvoru tveggja getur verið nauðsynlegt ef ástæður kalla á meiriháttar ákvarðanir.

III. Kafli. Um stjórn

11. grein

[Stjórn HSP skipa formaður, fjórir aðalmenn og tveir varamenn kjörnir á ársþingi skv. 7. grein. Á fyrsta fundi sínum skal stjórn skipta með sér verkum, varaformaður, gjaldkeri, ritari og meðstjórnandi.](#)

Stjórn sambandsins annast framkvæmd allra sambandsmála eftir ákvörðunum ársþinga og ákvæðum laga þessara. Hún annast innheimtu sambandsgjalda, tekur á móti því fé sem sambandinu áskotnast, varðveitir það og ávaxtar. Á hverju ársþingi gerir stjórnin grein fyrir störfum sínum á liðnu ári, leggur fram endurskoðaða reikninga um tekjur og gjöld sambandsins og tillögu til fjárhagsáætlunar. Reikningsár er almanaksárið. Stjórnin gefur skýrslu um hag og starfsemi sambandsins til UMFÍ og ÍSÍ samkvæmt lögum þeirra.

Greinargerð: Texti núv. 11. gr. færður undir 13.gr. án breytinga.

Núv. 9. grein verður að 11. grein (utan 4.mgr. sem var færð í 3.gr.) Að auki hefur verið bætt við texta um skipan stjórnar í upphafi.

12. grein

[Stjórn sambandsins skal halda stjórnarfundum eins oft og þurfa þykir. Skal boða bæði stjórn og varastjórn. Einstaklingar í varastjórn hafa málfrelsi og tillögurétt á stjórnarfundum en ekki atkvæðisrétt, nema ef forföll verða í aðalstjórn.](#)

Greinargerð: Texti núv. 12.gr. færður undir 14.gr. án breytinga.

Nýr texti kemur inn er varðar stjórnarfundum og hverjir skuli boðaðir á hann.

13. grein

Heimilt er stjórn sambandsins að kjósa þriggja manna framkvæmdastjórn. Einnig er stjórninni heimilt að ráða starfsmann á launum til sambandsins um lengri eða skemmri tíma og semja við hann um kaup og kjör. Skyllt er stjórninni að gera skriflegan samning í hvert sinn sem slík ráðning fer fram.

Greinargerð: Texti núv. 13.gr. færður undir 8.gr. án breytinga



Núv. 11.gr. verður að 13.gr. án breytinga.

14. grein

Heimilt er að kjósa heiðursfélag HSP og veita aðrar heiðursviðurkenningar. Stjórn sambandsins setur reglur þar um sem ársþing staðfestir.

Greinargerð: Texti núv. 14.greinar færður undir 9.gr. með smávægilegum breytingum.

Núv. 12.gr. verður að 14.gr. án breytinga.

IV. Kafli. Um aðildarfélög

15. grein

Rétt til inngöngu í sambandið eiga öll ungmenna- og íþróttafélög á sambandssvæðinu, sem hafa lög sín í samræmi við stefnuskrá UMFÍ og ÍSÍ.

Greinargerð: Texti núv. 15.gr. felldur út (hvenær gömlu lögín tóku gildi).

Núv. 2.mgr. 3.gr. verður að 15. grein án breytinga.

16. grein

Vilji félag ganga í sambandið, sendir það stjórn þess skriflega inntökubeiðni og lætur fylgja afrit af lögum félagsins, stjórn og félagatal. Inntaka nýs félags verður að hljóta samþykki ársþings sambandsins, en þó getur stjórn veitt bráðabirgðaraðild til næsta ársþings. Innganga nýs aðildarfélags er einnig háð samþykki ÍSÍ á lögum viðkomandi félags.

Greinargerð: Núv. 4.gr. verður að nýrri 16.gr. án breytinga.

17. grein

Vilji félag ganga úr sambandinu telst úrsögn því aðeins lögmæt að samþykkt hafi verið á löglegum aðalfundi viðkomandi félags, og miðist úrsögn við næstu áramót. Skriflega úrsögn skal senda til stjórnar HSP, sem síðan tilkynnir hana á ársþingi. Eigi getur félag sem gengur úr sambandinu krafist endurgjalds á fjármunum sem það hefur lagt til sambandsins eða nokkurs hluta af eignum þess. Ekki er skylt að taka úrsögn viðkomandi félags gilda nema félagið sé skuldlaust við sambandið.

Greinargerð: Núv. 5.gr. verður að nýrri 17.gr. án breytinga.

18. grein

Skylt er hverju félagi að greiða til sambandsins tillag árgjald fyrir hvern skattskyldan félagsmann, ~~16~~18 ára og eldri, og ákveður ársþing upphæð þess hverju sinni. Gjald dagi er 1. ~~desember~~ júní og skal miða við félagatal skv. starfsskýrslum til ÍSÍ/UMFÍ sama ár. aðildarfélögum gefinn kostur á að uppfæra félagatöl fyrir þann tíma. Nú gerir félag engin skil til sambandsins þrjú ár samfellt. Hefur þá ársþing heimild til að vísa því félagi úr sambandinu, enda skal stjórnin hafa aðvarað það.

Greinargerð: Núv. 6.gr. verður að nýrri 18.gr. með örlitlum breytingum. Aldur er hækkaður vegna árgjalds og gjalddaga er breytt í 30. júní ásamt því að skýrara er við félagatal hvaða árs skuli miðað. Eins og þetta er framkvæmt í dag greiða félög skatt eftir félagatali frá starfsskýrsluskilum ársins á undan en nú verður hægt að fara eftir uppfærðu félagatali.

19. grein



Vanræki aðildarfélag að halda aðalfund á tilsettum tíma skal stjórn HSP, ef þörf krefur, boða til fundarins og sjá um framkvæmd hans. Ársþingi HSP er heimilt, hafi aðildarfélag ekki farið að lögum og/eða fyrirmælum þess, að ákveða að víkja félaginu úr HSP.

Ákveði ársþing HSP að víkja félagi úr því er stjórn HSP skylt að tilkynna það til ÍSí og viðkomandi sérsambands/sérsambanda.

Greinargerð: Ný grein þar sem bætt er við ákvæði úr lögum ÍSí 44. grein liður 3 varðandi aðalfundi félaga.

V. Kafli. Um sérráð

20. grein

Sérráð er samband þeirra félaga og félagsdeilda innan HSP sem hafa iðkun sömu íþróttar á stefnuskrá sinni. Það fjallar um sérfræðileg málefni íþróttagreinar innan héraðsins. Um önnur mál er sérráð háð HSP.

Þar sem tvö eða fleiri aðildarfélög hafa iðkun sömu íþróttagreinar á stefnuskrá sinni má HSP stofna sérráð.

Ársþing skilgreinir sérráð og ákveður hvaða ráð skuli starfa milli þinga. Þó skal stjórn HSP einnig heimilt að skipa sérráð ef ástæða er til. Aðildarfélög geta óskað eftir því við stjórn HSP að sérráð sé skipað.

HSP skal setja starfsreglur um sérráð sem kynna þarf sérsambandi í viðkomandi íþróttagrein. Ársþing staðfestir starfsreglur sérráða, en stjórn HSP getur sett starfsreglur sérráða til bráðabirgða fram að næsta ársþingi.

Greinargerð: Mgr. 1-3 eru teknar nánast orðrétt upp úr lögum ÍSí, greinum 49-50 í kafla um sérráð. Til viðbótar er skilgreint hver getur skipað sérráð og hverjir geta óskað eftir slíkri skipan.

21. grein

Sérráð skulu almennt skipuð formönnum aðildarféлага eða deilda innan aðildarféлага sem sinna viðkomandi íþróttagrein, eða fulltrúum þeirra. Sérráðin skipta sjálf með sér verkum og tilnefna formann. Stjórn HSP staðfestir skipan formanna sérráða.

Greinargerð: Í greininni eru almenn tilmæli um hvernig sérráð eru skipuð.

22. grein

Hlutverk sérráða almennt er að annast skipulag mótahalds og viðburða í hlutaðeigandi íþróttagreinum innan héraðs. Sérráð gerir tillögur að reglum um mótahald og aðra starfsemi og staðfestir stjórn þær. Að öðru leiti er vísað til starfsreglna hvers sérráðs.

Sérráð skulu skila ársskýrslum og reikningum til stjórnar HSP fyrir lok janúar ár hvert. Sérráðum er ekki heimil lántaka fjármuna nema með samþykki stjórnar HSP.

Greinargerð: Í greininni eru almenn tilmæli um hlutverk sérráða. Nánari skilgreining á hlutverkum hvers sérráðs væri að finna í starfsreglum hvers ráðs.

VI. Kafli. Önnur ákvæði

Greinargerð: Ákvæði um slit sambandsins eru ekki til í gildandi lögum en verða að vera það skv. lögum ÍSí. Greinar 23 og 24 veita leiðbeiningar um hvernig sliti skuli háttáð og hvernig eignum sambandsins skuli varið, fyrirmyndin er fengin úr lögum ÍSí 58. og 59. grein.

23. grein

Ákvörðun um slit sambandsins skal taka á löglega boðuðu ársþingi. Komi slík tillaga fram skal hún þegar tekin til umræðu og atkvæði um hana greidd. Samþykki 4/5 atkvæðisbærra fulltrúa tillöguna skoðast hún samþykkt og skal þingi slitið tafarlaust. Fráfarandi stjórn situr áfram í fullu umboði og skal hún boða til aukþings innan



tveggja mánaða. Þá skal tillagan borin upp að nýju. Sé hún samþykkt með 4/5 greiddra atkvæða fulltrúa á þinginu skulu það heita lögleq sambandsslit. Verði tillagan felld skulu þingstörf halda áfram þar sem frá var horfið á fyrra þingi.

24. grein

Komi til sambandsslita HSP skulu allar eignir þess renna í einn sjóð sem verði í vörslu UMFÍ en þó ávaxtaður í peningastofnun á sambandssvæðinu. Höfuðstól sjóðsins má eigi skerða en ráðstafa 2/3 ársávöxtunar til íþrótt- og æskulýðsstarfs á sambandssvæði HSP.

Verði nýtt samband stofnað sem stefnir að sömu markmiðum og HSP á sambandssvæðinu skulu eignir HSP renna til þess.

25. grein

Lög þessi öðlast gildi eftir samþykkt þeirra og falla þá eldri lög úr gildi.

Samþykkt á ársþingi HSP í Þórsveri á Þórshöfn þann 14. mars 2020.

Vísað til: Laganefndar

Þingskjal 5

Lagt fram af stjórn HSP

Sérráð

Ársþing HSP haldið í Þórsveri, 14. mars 2020, samþykkir að fela stjórn HSP að stofna sérráð í þeim íþróttagreinum sem a.m.k. tvö aðildarfélög stunda. Sérráðin verði skipuð skv. lagabreytingartillögum HSP og stjórn HSP falið að koma á samtali milli félaganna um möguleg mót, verkefni eða annað samstarf tengt íþróttagreininni.

Vísað til: Allsherjar- og íþróttanefndar

Þingskjal 6

Lagt fram af stjórn HSP

Mótahald

Ársþing HSP haldið í Þórsveri, 14. mars 2020, samþykkir að fela stjórn HSP að kortleggja, í samvinnu við félög og sérráð, hvaða aðstöðu þarf til þess að halda stærri mót heima í héraði s.s. mót á vegum UMFÍ eða á vegum sérsambanda ÍSÍ, og hvetja þannig aðildarfélög/sérráð, í samstarfi við stjórn HSP og hlutaðeigandi sveitarfélög, til þess að sækja um að halda stærri mót.

Vísað til: Allsherjar- og íþróttanefndar



Þingskjal 7

Lagt fram af stjórn HSP

Breytingar á lottóreglugerð

Ársþing HSP haldið í Þórsveri, 14. mars 2020, samþykkir eftirfarandi breytingar á lottóreglugerð sambandsins:

Lottóreglugerðin hljóði svo eftir breytingar: nýr texti er [skáletraður og undirstrikaður](#) og texti sem er fjarlægður er yfirstrikaður.

Lottótekjurnar skiptast þannig:

Af óskiptu fari:*

5% sem skiptist jafnt á milli: Afreksmannasjóðs HSP og Aksturssjóðs HSP

Af því sem þá er eftir:

20% til HSP

80% til aðildarfélaganna HSP

[a\) 15% til Verkefna- og styrktarsjóðs HSP](#)

[b\) 20% til HSP](#)

[c\) 65% til aðildarfélaganna HSP skv. eftirfarandi skiptingu:](#)

Skipting milli aðildarfélaganna:

15% eftir mætingu á ársþing [í hlutfalli við heildarfjölda mættra þingfulltrúa](#)

70% eftir iðkendatali 6-17 ára

15% vegna [eftir fjölda](#) félagsmanna 18 ára og eldri.

Forsendur fyrir skiptingu milli aðildarfélaganna:

[Forsendur fyrir úthlutun skv. c\)-lið:](#)

1. Mæti félag ekki með fulltrúa á ársþing HSP fær það félag ekki úthlutað úr lottó. Einnig þarf félag að hafa skilað starfsskýrslu fyrir úthlutunarárið, **þæði skriflegri skýrslu fyrir ársþing HSP og starfsskýrslu í Felix, félagakerfi ÍSÍ og UMFÍ fyrir 15. apríl ár hvert.**
2. Greiðsla eftir mætingu á ársþing HSP er **í hlutfalli við fulltrúafjölda félags á þinginu.**
 1. [Fulltrúi/fulltrúar félags mæti á ársþing HSP](#)
 2. [Félag skili skriflegri skýrslu til HSP, sem birtist í ársskýrslu HSP, þar sem starfi félagsins síðastliðið starfsár er lýst.](#)
 3. [Félag skili starfsskýrslu í félagakerfi ÍSÍ og UMFÍ fyrir 15. apríl ár hvert.](#)

[Uppfylli félag ekki þessar forsendur fær félagið ekki úthlutað úr lottó. Hluttur félagsins rennur þá til annarra aðildarfélaganna skv. úthlutunarreglum í c\)-lið. Hafi félag staðið undir forsendum 1 og 2 en ekki 3 er stjórn sambandsins heimilt að fresta lottógreiðslum til félagsins þar til félagið hefur staðið skil á starfsskýrslunni. Hafi félagið ekki enn skilað inn starfsskýrslum þann 1. desember skal hluttur þess renna í aðalsjóð HSP.](#)

Greinargerð: Verði tillaga að nýjum verkefna- og styrktarsjóði HSP samþykkt á þinginu og hann geti starfað eins og áform eru um er ljóst að breyta þarf lottóreglugerðinni varðandi hlutföll í hvern málaflökk.

Vísað til: Laganefndar og fjárhagsnefndar



Þingskjal 8

Lagt fram af stjórn HSP

Fjárhagsáætlun 2020

Ársþing HSP haldið í Þórsveri, 14. mars 2020, samþykkir framlagða fjárhagsáætlun ársins 2020.

Greinargerð: Helstu tekjur sambandsins eru lottótekjur og rekstrarstyrkir frá sveitarfélögunum. Gert er ráð fyrir að fjárstuðningur fáiast vegna verkefnisins *Æfum alla*. Tekjur eru almennt varlega áætlaðar en skattar félaga, sem er kr. 500,- líkt og verið hefur frá 2014, verða lægri í heildina vegna breytinga á lögum sambandsins um skattskylda félaga (18 ára vs. 16 ára). Helstu gjaldaliðir eru laun og launatengd gjöld og lottógreiðslur til aðildarfélaganna ásamt almennum kostnaði yfirstjórnar og styrktarsjóði HSP. Lottógreiðslur til félaga lækka miðað við að tillögur um nýjan verkefnasjóð og breytingar á lottóreglugerð séu samþykktar. Lækkun til félaganna nemur u.þ.b. þeirri upphæð sem rennur til viðbótar í verkefnasjóðinn.

| 2020 | Fjárhagsáætlun HSP | 2020 | 2019 | 2019 | 2018 | 2018 |
|----------------|------------------------------------|-------------------|-------------------|-------------------|-------------------|-------------------|
| Rekstrartekjur | | ÁÆTLUN | Rekstur | ÁÆTLUN | Rekstur | ÁÆTLUN |
| | Framlög og styrkir | 17.670.000 | 15.151.958 | 7.070.000 | 13.880.277 | 12.300.000 |
| 11100 | Styrkir ÍSí (útb. ósöttir vinn.) | 600.000 | 771.032 | 500.000 | 563.266 | 450.000 |
| 11300 | Lottó | 9.000.000 | 9.882.830 | 8.500.000 | 9.361.203 | 7.000.000 |
| 11301 | Getraunir 1x2 | 170.000 | 188.200 | 170.000 | 173.808 | 150.000 |
| 11505 | Rekstrarstyrkir sveitarfélaga | 3.300.000 | 3.401.360 | 3.100.000 | 3.132.000 | 3.500.000 |
| 12100 | Styrkir v/UML | 250.000 | 255.000 | 250.000 | 100.000 | 300.000 |
| 12200 | Styrkir v/Æfum alla ævi | 4.000.000 | 500.000 | 4.000.000 | 200.000 | 500.000 |
| | Aðrir styrktaraðilar | 350.000 | 153.536 | 550.000 | 350.000 | 400.000 |
| | Aðrar tekjur | 1.500.000 | 2.284.225 | 1.760.000 | 1.954.000 | 1.960.000 |
| 22100 | Skattar félaga | 1.350.000 | 1.610.000 | 1.610.000 | 1.800.000 | 1.800.000 |
| 22200 | Leiga HSP tjaldi | 150.000 | 165.000 | 150.000 | 145.000 | 150.000 |
| 23000 | Vörusala (bækur, pennar ofl.) | - | 509.225 | - | 9.000 | 10.000 |
| | Rekstrartekjur alls | 19.170.000 | 17.436.183 | 18.830.000 | 15.834.277 | 14.260.000 |
| | Rekstrargjöld | | | | | |
| | Laun og launatengd gjöld | 8.000.000 | 7.357.403 | 9.000.000 | 4.702.219 | 4.000.000 |
| | 50% v/frkv.stjóri | 4.000.000 | 3.678.702 | 4.500.000 | | |
| | 50% v/Æfum alla ævi | 4.000.000 | 3.678.701 | 4.500.000 | | |
| | Styrkir til félaga | 5.850.000 | 8.081.532 | 5.950.000 | 7.114.456 | 5.360.000 |
| 35100 | Lottó | 5.850.000 | 7.993.396 | 5.950.000 | 7.114.456 | 5.360.000 |
| 35400 | Ferðastyrkir | | 88.136 | | | |
| | Búningar, áhöld og tæki | 50.000 | 656.492 | 50.000 | - | 175.000 |
| 40000 | Þátttaka í mótum | 400.000 | 170.021 | 350.000 | 340.065 | 700.000 |
| | Þáttökukostn. ULM | 200.000 | 149.850 | 200.000 | 302.470 | 400.000 |
| | Annar kostnaður | 200.000 | 20.171 | 150.000 | 37.595 | 300.000 |
| 45100 | Verðl., bikarar, mótakostn. | 200.000 | - | 50.000 | 81.306 | 50.000 |
| 48000 | Húsaleiga | 120.000 | 120.000 | 120.000 | 180.000 | - |
| 48100 | Húsaleiga Seigla | 120.000 | 120.000 | 120.000 | 180.000 | |
| 53000 | Rekstur skrifstofu | 1.995.000 | 1.672.677 | 1.925.000 | 1.982.603 | 2.450.000 |
| | Sími, ritföng, póstkostnaður | 70.000 | 58.292 | 70.000 | 59.064 | |
| | Funda- og þingkostnaður HSP | 600.000 | 581.441 | 700.000 | 841.852 | |
| 53610 | Ferðakostnaður stjórnar | 125.000 | 87.711 | 125.000 | 124.814 | |
| 53620 | Ferðak. Fundir/Þing UMFÍ og ÍSí | 400.000 | 399.304 | 220.000 | 222.946 | |
| 54105 | Bókhald og endurskoðun | 400.000 | 317.040 | 400.000 | 417.315 | 350.000 |
| 54150 | Auglýsingakostnaður | 250.000 | 186.092 | 300.000 | 237.596 | |
| 54100 | Annar skrifstofukostnaður | 150.000 | 42.797 | 110.000 | 79.016 | 2.100.000 |
| 56000 | Kynning, fræðsla, útbr. | 2.500.000 | 1.555.089 | 1.245.000 | 717.004 | 1.320.000 |
| | Nýr verkefna- og styrktarsjóður | 1.500.000 | - | | | |
| 56110 | Fræðslusjóður | - | 178.000 | 150.000 | 93.494 | 120.000 |



| | | | | | | |
|-------|----------------------------|-------------------|--------------------|-------------------|-------------------|-------------------|
| | Styrkir Frjálsíþr.ráð | 500.000 | 500.000 | 500.000 | 500.000 | 500.000 |
| 56310 | Afreksmannasjóður | - | 500.000 | 212.500 | - | 300.000 |
| 56315 | Aksturssjóður | - | 54.432 | 382.500 | 123.510 | 400.000 |
| | Æfum alla ævi | 300.000 | 152.252 | | | |
| | Annar kostnaður | 200.000 | 170.405 | | | |
| 62300 | Breyting vörubirgða | | | | - | 200.000 |
| 65000 | Önnur gjöld | 55.000 | 53.844 | 140.000 | 36.134 | 120.000 |
| | Rekstrargjöld alls | 19.170.000 | 19.667.058 | 18.830.000 | 15.153.787 | 14.375.000 |
| | Hagnaður/tap | - | - 2.230.875 | - | 680.490 | - 115.000 |

Vísað til: Fjárhagsnefndar

Þingskjal 9

Lagt fram af stjórn HSP

Heiðursviðurkenningar HSP

Ársþing HSP haldið í Þórsveri, 14. mars 2020, samþykkir eftirfarandi reglugerð um veitingu heiðursviðurkenninga HSP.

1. grein

Stjórn HSP skal, þegar tilefni er til, veita einstaklingum sem starfa innan HSP viðurkenningu fyrir mikil og góð störf í þágu íþróttahreyfingarinnar á svæðinu.

2. grein

Viðurkenningar HSP eru Starfsmerki HSP og Gullmerki HSP. Einnig er heimilt að kjósa Heiðursfélagi HSP.

3. grein

Um viðurkenningarnar:

1. Starfsmerki HSP er veitt þeim einstaklingum sem unnið hafa gott og mikið starf í þágu einstakra aðildarféлага eða héraðssambandsins í heild. Merkið skal jafnframt vera hvatning til áframhaldandi góðra starfa í þágu íþróttahreyfingarinnar.
2. Gullmerki HSP er veitt þeim einstaklingum sem hafa sinnt skipulags-, stjórnar- eða þjónustustörfum fyrir sambandið eða aðildarfélagin um lengri tíma.
3. Heiðursfélagi er hægt að tilnefna hafi einstaklingur sýnt HSP óvenju mikla þjónustu um langt árabil.

4. grein

Tillögurétt um veitingu viðurkenninga HSP hafa stjórnarmenn HSP, stjórnir aðildarféлага HSP og stjórnir ráða eða nefnda á vegum HSP. Tillögum skal fylgja nákvæm skilgreining á störfum viðkomandi og starfsferill innan íþróttahreyfingarinnar.

5. grein

Skrifstofa HSP skal skrá allar viðurkenningar HSP og birta nöfn merkjahafa í ársskýrslu HSP.

Vísað til: Laganefndar



Þingskjal 10

Lagt fram af stjórn HSP

Staðsetning næsta ársþings

Ársþing HSP haldið í Þórsveri, 14. mars 2020, samþykkir að næsta ársþing HSP verði haldið af Hestamannafélaginu Grana, Golfklúbbi Húsavíkur og Skotfélagi Húsavíkur.

Vísað til: Allsherjar- og íþróttanefndar
